

^^ ^^ ^^ ^^ ^^ ^^ ^^ ^^ ^^ ^^



ਮੁੱਖ ਬਾਣੀ
ਸ੍ਰੀ ਸਰਬ ਲੋਹ

ਪਾ: ੧੦

vv vv vv vv vv vv vv vv vv vv

ਮੁੱਖ ਬਾਣੀ ਸ੍ਰੀ ਸਰਬ ਲੋਹ ਪਾ: ੧੦

੧੬ ਸ੍ਰੀ ਵਾਹਿਗੁਰੂ ਜੀ ਕੀ ਫਤਹ ॥

ਸ੍ਰੀ ਭਵਾਨੀ ਜੀ ਸਹਾਇ ॥

ਸ੍ਰੀ ਮਾਯਾ ਲਛਮੀ ਜੀ ਸਹਾਇ ॥

ਉਸਤਤਿ ਸ੍ਰੀ ਮਾਯਾ ਲਛਮੀ ਜੀ ਕੀ ॥

ਸ੍ਰੀ ਮੁਖਿਵਾਕਯ ਪਾਤਿਸ਼ਾਹੀ ੧੦ ॥

ਦੇਹਿਰਾ ॥ ਛਾਯਾ ਰੂਪੀ ਹੋਇ ਕੈ ਬਿਚਰਤ ਸ੍ਰੀ

ਗੋਪਾਲ ॥ ਆਪਹਿ ਲਛਮੀ ਬਪੁ ਧਰੇ ਜੀਉ

ਜੰਤੁ ਪ੍ਰਤਿਪਾਲ ॥੧॥ ਸ੍ਰੀ ਮਾਯਾ ਮੁਖਿ ਕਰੋ

ਉਚਾਰ ॥ ਦਰਿਦ੍ਰ ਸਾਗਰ ਤੇ ਲੇਹੁ ਉਬਾਰਿ

॥੧॥ਰਹਾਉ॥ ਦੇਹਿਰਾ ॥ ਆਦਿ ਭਵਾਨੀ

ਈਸੁਰੀ ਮਾਯਾ ਜਾ ਕੋ ਨਾਮ ॥ ਇਨ ਬਿਨ ਸਰੈ

ਨ ਏਕ ਛਿਨ ਪੂਰਨ ਹੋਤ ਨ ਕਾਮ ॥੨॥

ਸੁਖਦਾਇਕ ਮੰਗਲਕਰਨ ਪ੍ਰਤਿਪਾਲੇ ਬਹੁ
 ਭਾਂਤਿ ॥ ਸੁਬੁਧਿ ਦੈਨ ਜੈ ਜੈ ਕਰਨਿ ਮਾਯਾ ਸ੍ਰੀ
 ਜਗਮਾਤਿ ॥੩॥ ਬਿਸਨੁਪਦ ਸਾਰੰਗ ਛਪਯ
 ॥ ਜਗਬੰਦਨਿ ਜਗਨਾਥ ਜਗਤਪਾਲਕ ਹਰਿ
 ਅੰਬੈ ॥ ਪ੍ਰਜਾਨਾਥ ਜਗਨਾਥ ਸੇਵਿ ਰਛਕ
 ਜਗਦੰਬੈ ॥ ਜਗਤਾਰਨਿ ਭਯਹਰਨਿ ਪ੍ਰਜਾਪਤਿ
 ਆਦਿ ਭਵਾਨੀ ॥ ਮਾਯਾ ਕੋ ਬਪੁ ਧਾਰਿ ਜਗਤ
 ਮਹਿ ਅਲਖ ਲਖਾਨੀ ॥ ਅਪਦ ਬਿਨਾਸਨਿ
 ਸੁਖ ਕਰਨ ਦਾਸ ਰੱਛਕ ਹਰਿ ਮਾਯਾ ॥ ਤੀਨ
 ਲੋਕ ਸਭਿ ਬਸਿ ਕਰਨਿ ਅਮਿਤਿ ਗਤਿ ਪ੍ਰਗਟ
 ਸੁਭਾਯਾ ॥੪॥

ਦੋਹਿਰਾ ॥ ਤੁਮ ਬਿਨੁ ਸਰੇ ਨ ਏਕ ਛਿਨ
 ਕਾਰਜ ਹੋਤ ਨ ਸਿੱਧਿ ॥ ਜਿਨ ਕੋ ਤੁਮ ਕਿਰਪਾ
 ਕਰੀ ਤਿਨ ਕੇ ਗ੍ਰਿਹ ਨਵਨਿੱਧਿ ॥੫॥

ਅਘਾ ਦਰਿਦ੍ਰ ਨਿਵਾਰਨੀ ਭਵਹਾ ਜਾ ਕੋ ਨਾਮ
 ॥ ਸ਼ਤ੍ਰੁਘਾਤਨੀ ਅਮਿਤਿਗਤਿ ਮਿਤ੍ਰਪਾਲ
 ਸੁਖਧਾਮ ॥੬॥ ਮਨ ਬਾਂਛਤਿ ਫਲ ਦੇਤ ਹਰਿ
 ਭਗਤ ਆਪੁਨੋ ਜਾਨੁ ॥ ਸੁਜਸਿ ਦੇਤਿ ਮੰਗਲ
 ਕਰਨ ਸਭ ਕੋ ਕਰੁ ਕਲਯਾਨ ॥੭॥ ਦੀਨਬੰਧੁ
 ਜਗਤਾਰਨੀ ਮਾਯਾ ਬਪੁ ਹਰਿ ਰਾਇ ॥ ਜੂਲ
 ਬਿਸਾਲ ਮੁਖ ਤੇ ਜੂਲਿਤ ਸੰਕਟ ਕਰੋ ਸਹਾਇ
 ॥੮॥ ਮਹਿਪਾਲਿਨ ਜਗਮੰਡਨੀ ਖਲਖੰਡਨਿ
 ਜਗਮਾਤ ॥ ਅਚਲ ਸੂਰੂਪ ਅਨੂਪ ਗਤਿ ਮਾਯਾ
 ਸ੍ਰੀ ਜਗਨਾਥ ॥੯॥ ਦਾਸ ਨਿਵਾਜਨ ਭਗਤ
 ਹਿਤੁ ਸਿਖਯਨ ਕੇ ਪ੍ਰਤਿਪਾਲ ॥ ਮੁਕਤ ਦੈਨ
 ਰੱਛਯਾ ਕਰਨ ਮਾਯਾ ਸ੍ਰੀ ਗੋਪਾਲ ॥੧੦॥
 ਦਾਨ ਦੇਨ ਬਹੁ ਜਗਤ ਕੋ ਪ੍ਰਤਿਪਾਲੇ ਬਹੁ ਭਾਂਤਿ
 ॥ ਕਾਲਚੱਛ ਜਗ ਪਾਲਨੀ ਬਿਧਨਾ ਸ੍ਰੀ ਪ੍ਰਭ

ਨਾਥ ॥੧੧॥ ਦਯਾ ਕਰਨ ਕਿਲਬਿਖ ਹਰਨ
 ਮਾਯਾ ਅਛਲ ਸਰੂਪ ॥ ਬਜਾਧਿਹਰਨ
 ਸੰਕਟਦਰਨ ਖਲਖੰਡਨ ਜਗਭੂਪ ॥੧੨॥
 ਭਗਤਦਾਯਨੀ ਦਾਸਹਿਤੁ ਰੱਛ ਕਰਨ ਸਭ
 ਜਾਨ ॥ ਦੀਨ ਨਿਵਾਜਨ ਭਯਹਰਨ
 ਕਰੁਨਾਨਿਧਿ ਭਗਵਾਨ ॥੧੩॥ ਸਿਧਿ
 ਕਰਨ ਮੰਗਲ ਸਭਨ ਬਜਾਪਕ ਸਕਲ
 ਸੰਸਾਰ ॥ ਚੌਰਾਸੀ ਜੋਇਨ ਕਟਤਿ ਸਿਮ੍ਰਿਤਿ
 ਸ੍ਰੀ ਸੁ ਮੁਰਾਰਿ ॥੧੪॥ ਸੋਰਠਾ ॥ ਧਨਦਾਯਕ
 ਦੁਬਯਦੈਨ ਪ੍ਰਜਾਪਾਲਨੀ ਪ੍ਰਜਾਪਤਿ ॥
 ਕੁਮਤਿਨਾਸ ਮਤਿਦੇਨ ਅਮਿਤਤੇਜ
 ਅਮਿਤੋਜਗਤਿ ॥੧੫॥ ਬਿਸਨੁਪਦ ਸਾਰੰਗ
 ਛਪਯ ਛੰਦ ॥ ਨਵਲਨਾਥ ਨਿਰਬਾਨ
 ਸੁਬੁਧਿਦਾਇਕ ਮੰਗਲ ਕਰ ॥ ਕਾਲ ਬਿਨਾਸਨ
 ਰਹਿਤ ਕਾਲ ਸੁਤਦਾਇਕ ਨਰ ਹਰਿ ॥

ਕਰੁਨਾਨਿਧਿ ਸੁ ਕ੍ਰਿਪਾਲੁ ਕਲਪਬ੍ਰਿਛ ਜਾ ਕੀ
 ਛਾਯਾ ॥ ਸੁ ਨਾਥ ਨਿਰੰਜਨ ਨਰ ਹਰੀ ਸਭ
 ਜਗਤ ਸਹਾਯਾ ॥ ਮਾਯਾ ਬਪੁ ਜਗ ਮਾਹਿ
 ਦੁਖ ਹਰਤਾ ਸਭ ਜਗਤ ਕੀ ॥ ਜਿਸੁ ਸੁਨਿਯਤ
 ਦੁਖ ਜਾਂਹਿ ਜਸੁ ਪੂਰਨ ਹਰਿ ਲੱਛਮੀ ॥੧੬॥
 ਦੋਹਰਾ ॥ ਨਰਕ ਨਿਵਾਰਨ ਜਗਤ ਗੁਰ ਮੋਹਨ
 ਸਕਲ ਸੰਸਾਰ ॥ ਰਿਜਕ ਦੇਨ ਸਭ ਜਗਤ ਕੋ
 ਜਸ ਪੂਰਨ ਭੰਡਾਰ ॥੧੭॥ ਛਪਯ ਛੰਦ ॥
 ਅਘ ਕੰਦਨ ਭਵਹਰਨ ਜੋਗ ਜੁਲਾ ਛਤ੍ਰੀ ਬ੍ਰਿਤ
 ॥ ਧਰਮ ਧੁਜਾ ਫਰਹਰਤ ਧਰਮ ਮੂਰਤਿ
 ਧਰਮਾਕ੍ਰਿਤਿ ॥ ਅਸੀਪਾਨ ਅਸਿਕੇਤੁ
 ਖੜਗਧੁਜ ਧਰਮ ਧਨੁਰਧਰ ॥ ਅਕਾਲ ਮੂਰਤਿ
 ਅਨੁਭਉ ਪ੍ਰਕਾਸ ਅਮਿਤੋਜ ਅਟਲ ਬਰ ॥
 ਨਿਹਕਲੰਕ ਨਿਰਬਾਨ ਅਬਿਚਲ ਸੂਰੂਪ

ਅਨੁਭਵ ਜੁਗਤ ॥ ਨਿਰਾਕਾਰ ਨਿਰਬੰਧਾਧਿ
 ਮਦਨ ਮੂਰਤਿ ਬਿਦਯਾ ਸੁ ਪਤਿ ॥੧੮॥
 ਛਪਯ ਛੰਦ ॥ ਨਵਤਨ ਨਵਲ ਕਿਸੋਰ
 ਅਮਰਗਤਿ ਜਾ ਕੀ ਬਾਨੀ ॥ ਅਤਿ ਸੁੰਦਰਿ
 ਛਬਿ ਧਰੇ ਪ੍ਰਜਾਪਤਿ ਜੁਲਾ ਰਾਨੀ ॥ ਧਰਮ
 ਸਿੰਧੁ ਕਲਜਾਨ ਸੁਧਾ ਗਤਿ ਮਾਯਾ ਕਰਨੀ ॥
 ਏਕ ਦ੍ਰਿਸ਼ਟਿ ਭਵ ਤਰਤਿ ਜਾਸ ਗਤਿ ਊਨਵ
 ਤਰਨੀ ॥ ਕਲਾ ਧਾਰਿ ਸਭ ਮਧਜ ਰਾਜਤ
 ਗਾਜਤ ਕੇਹਰਿ ਸਮ ॥ ਨੂਪਰ ਚਰਨ ਅਪਾਰ
 ਧੁਨਿ ਸੁਨਿਅਤ ਭਾਜੈ ਸੁ ਜਮ ॥੧੯॥
 ਦੋਹਾ ਸੋਰਠਾ ॥ ਸਭ ਕਿਛੁ ਤੁਮਰੇ ਹਾਥ ਜਿਸ
 ਦੇਵੇ ਸੋ ਪਾਵਹੀ ॥ ਸ੍ਰੀ ਨਾਥਾਂ ਕੇ ਨਾਥ ਮਾਯਾ
 ਚਰਨ ਧਯਾਵਹੀ ॥੨੦॥ ਦਯਾ ਰੂਪ
 ਭਗਵੰਤ ਦਰਿਦ੍ਰ ਨਿਵਾਰਨ ਸੁਖ ਕਰਨ ॥

ਮੰਗਲ ਰੂਪ ਅਨੰਤ ਅਪਦ ਬਿਨਾਸਨ ਜੈ ਕਰਨ
 ॥੨੧॥ ਲੋਕ ਚਤੁਰਦਸ ਨਾਥ ਰਮਾ ਰਾਵ
 ਸਭ ਜਗਤ ਕੀ ॥ ਦੀਨਾ ਨਾਥ ਅਨਾਥ ਮਯਾ
 ਕਰੋ ਇਸ ਪਤਿਤ ਕੀ ॥੨੨॥ ਮੈ ਧਰ ਓਟ
 ਨ ਅਉਰ ਪਏ ਦੁਰ ਮਾਯਾ ਹਰੀ ॥ ਦੂਸਰ
 ਨਾਹੀ ਠਉਰ ਕਿਸ ਕੋ ਜਾਚੋ ਨਰਹਰੀ
 ॥੨੩॥ ਹਰਹੁ ਦੀਨ ਅਪਦਾ ਹਰੀ ਮਿਹਰ
 ਉਪਵਾਹੁ ਦੁਖ ਹਰੋ ॥ ਮਯਾ ਕਰੋ ਇਸ ਪਤਿਤ
 ਪਰ ਮੰਗਲ ਕਰ ਅਪਦਾ ਹਰੋ ॥੨੪॥
 ਦਰਿਦ੍ਰ ਸਾਗਰ ਮਹਿ ਡੂਬਤੇ ਹੇ ਮਾਯਾ ਜਗਤਾਤ
 ॥ ਤੁਛ ਬਾਤ ਤੁਮ ਨਿਕਟਿ ਹੈ ਗਹਿ ਭੁਜ
 ਲਿਹੁ ਰਘੁਨਾਥ ॥੨੫॥ ਕਰਮਹੀਨ
 ਮਤਹੀਨ ਹੋਂ ਅਲਪ ਬੁਧਿ ਮਤਿ ਬੋਰ ॥ ਮਹਾ
 ਪਤਿਤ ਦੁਖੀਆ ਅਧਿਕ ਚਿਤਵਉ ਅਪਨੀ
 ਓਰ ॥੨੬॥ ਮਿਹਰ ਨਜ਼ਰ ਕੀ ਫਜ਼ਲ ਸੇ

ਚਿਤਵਹੁ ਦੀਨ ਦਯਾਲ ॥ ਮੀਨ ਤਪਤ ਜਲ
ਦੇਹੁ ਹਰਿ ਕਰੁਨਾਨਿਧਿ ਗੋਪਾਲ ॥੨੨॥
ਕ੍ਰਿਪਾਸਿੰਧੁ ਸੰਕਟਹਰਨ ਕਲਪਬ੍ਰਿਛ ਜਿਹ ਛਾਹ
॥ ਸਿਧਿ ਰੂਪ ਅਨਹਦ ਸ਼ਬਦ ਜਿਹ ਸਮ
ਦੂਸਰ ਨਾਹ ॥੨੩॥ ਚਾਰਨੀ ਦੋਹਰਾ ॥ ਸ੍ਰੀ
ਮਾਯਾ ਜਗਮੋਹਨੀ ਨਿਹਕਲੰਕ ਜਿਹ ਰੂਪ ॥
ਤੀਨ ਲੋਕ ਬੰਦਤ ਚਰਨ ਬ੍ਰਹਮਾ ਬਿਸਨੁ ਅਨੂਪ
॥੨੪॥ ਬਿਸਨੁਪਦ ਸਾਰੰਗ ਛਪਯ ॥ ਸੇਸ
ਸਹਸ ਫਨਿ ਰਟਤ ਤਦ੍ਯਪਿ ਤੁਮ ਅੰਤੁ ਨ
ਪਾਵਤ ॥ ਨੇਤ ਨੇਤ ਸਭ ਕਹਿਤ ਬੇਦ ਸੁਰ
ਨਰ ਮੁਨਿ ਧ੍ਯਾਵਤ ॥ ਚਿਤ ਚਿੰਤਾ ਨਰ ਹਰਤ
ਮਾਯ ਇਛਯਾ ਪੂਰਨ ਜਗਿ ॥ ਕਲਿਮਲ
ਅਘ ਸਭਿ ਹਰਤ ਮੁੱਖ ਮੰਡਲ ਨਵਤਨ
ਛਬਿ ॥ ਕਵਲ ਨਯਨ ਸੁ ਨ੍ਰਿਪਣ
ਨ੍ਰਿਪਤਿ ਕਟ ਕੇਹਰਿ ਮ੍ਰਿਗ ਲੋਚਨੀ ॥

ਕਦਲਿ ਸੁ ਜੰਘੁ ਆਜਾਨੁ ਬਾਹੁ ਪੂਜਾ ਪਾਲ
 ਦੁਖ ਮੋਚਨੀ ॥੩੦॥ ਬਡਾ ਦੋਹਰਾ ॥ ਹੈ
 ਚਤੁਰ ਬਾਹੁ ਅਸ਼ਟਾ ਕਰੀ ਨਾਰ ਸਿੰਘ ਜਹ
 ਕੇ ਭੇਸ ॥ ਪ੍ਰਹਿਲਾਦ ਉਬਾਰਜੇ ਦੁਖ ਹਰਜੇ
 ਹਰਨਾਖਸ਼ ਹਰਜੇ ਨਰੇਸ ॥੩੧॥ ਇੰਦ੍ਰ
 ਦੋਹਰਾ ॥ ਮੁਕਤਿ ਦੇਨ ਮੰਗਲ ਕਰਨ ਛੇਮ
 ਕਰਨ ਹਰਿ ਰਾਇ ॥ ਸੂਤਿ ਬਚਨੀ ਸੂਤਿ
 ਕਰਨ ਹਰਿ ਸਭ ਕੇ ਕਰੇ ਸੋਹਾਇ ॥੩੨॥
 ਬਿਸਨੁਪਦ ਗਉਰੀ ॥ ਛੇਮ ਕਰਨ ਇਛ
 ਪੂਜਨ ਅਮਰ ਧਨ ਬ੍ਰਿਤ ਮਹੀਧਰ ॥
 ਰੱਛ ਕਰਨ ਭਯਹਰਨ ਸਦਾ ਜੈ ਧਰਮ
 ਧਨੁਰਧਰ ॥ ਮਾਯਾ ਨਾਮ ਅਪਾਰ ਜਗਤ
 ਮਹਿ ਪ੍ਰਗਟ ਭਵਾਨੀ ॥ ਸੰਕਟ ਦਰਿਦ੍ਰ
 ਅਪਦਾ ਹਰਨ ਤੈਲੋਕ ਪਛਾਨੀ ॥੩੩॥
 ਦੀਨਾਨਾਥ ਸਨਾਥ ਸਭਨ ਪ੍ਰਤਿਪਾਲ ਕਰੱਯਾ

॥ ਜਗਬੰਦਨ ਭਯਹਰਨ ਮਾਯ ਦੁਧ ਪੂਤ
 ਦਿਵੰਯਾ ॥ ਮਨ ਬਾਂਛਿਤ ਫਲ ਦੇਤ ਬਿਰਦ
 ਕੀ ਲਾਜ ਰਖੰਯਾ ॥ ਦੀਨਨ ਕੀ ਪ੍ਰਤਿਪਾਲ
 ਧਰਮਬ੍ਰਿਤ ਅਪਦ ਮਿਟੰਯਾ ॥੩੪॥ ਇੰਦ੍ਰ
 ਸੋਰਠਾ ॥ ਮਾਯਾ ਅਛਲ ਅਪਾਰ ਮੋਛ ਕਰਨ
 ਸੰਕਟ ਹਰਨ ॥ ਬਿਧਨਾ ਸਕਲ ਸੰਸਾਰ
 ਰਿਜਕ ਦੇਨ ਇਛਯਾ ਪੁਜਨ ॥੩੫॥ ਰਸਾਲ
 ਦੋਹਰਾ ॥ ਸੁਖ ਦਦੇਨ ਅਨਹਦ ਕਰਨ ਜੈ ਜੈ
 ਮੰਗਲ ਰੂਪ ॥ ਅਬਿਨਾਸੀ ਅਬਿਚਲ ਸਦਾ
 ਬਿਧਨਾ ਬ੍ਰਹਮ ਸਰੂਪ ॥੩੬॥ ਦ੍ਰਬਜ
 ਉਪਾਵਨ ਕੇ ਨਮਿਤ ਸਿਮਰੇ ਸ੍ਰੀ ਜਗਮਾਇ
 ॥ ਆਦਿ ਅੰਤ ਰਛਯਾ ਕਰਨ ਸਭ ਕੇ ਕਰੇ
 ਸਹਾਇ ॥੩੭॥ ਅਗਮ ਰੂਪ ਮਾਯਾ ਹਰੀ
 ਪਰਮ ਸਿਧਿ ਕੀ ਖਾਨਿ ॥ ਕੁਮਤਿ ਬਿਨਾਸਨਿ
 ਜੈ ਕਰਨ ਦਾਤਾ ਸਗਲ ਜਹਾਨਿ ॥੩੮॥

ਦੂਖ ਨਿਵਾਰਨਿ ਅਘ ਹਰਨਿ ਦੀਨ ਦਯਾਲ
 ਕ੍ਰਿਪਾਲ ॥ ਸਰਨਿ ਪਰੇ ਕੀ ਰਾਖਤੀ ਦਾਤਾ
 ਸਗਲ ਗੁਪਾਲ ॥੩੯॥ ਸ੍ਰੀ ਨਾਰਾਇਣ
 ਜਗਤਪਿਤ ਭਵਖੰਡਨ ਜਗਮਾਤਿ ॥ ਸ੍ਰਿਸ੍ਰ
 ਉਪਾਵਨ ਜਗ ਕਰਨ ਪ੍ਰਤਿਪਾਲੇ ਦਿਨ ਰਾਤਿ
 ॥੪੦॥ ਕਿਰਤਾਰਥ ਮੰਗਲ ਕਰਨ
 ਕਰੁਨਾਨਿਧਿ ਕਰਤਾਰ ॥ ਕਾਲ ਚੰਡ ਤਾਰਨ
 ਪ੍ਰਭੂ ਮਾਯਾ ਰੂਪ ਮੁਰਾਰਿ ॥੪੧॥ ਮਧੁਰ ਧੁਨਿ
 ਛੰਦ ਦੋਹਰਾ ॥ ਬਧਨਾ ਸਕਲ ਸੰਸਾਰ ਕੀ
 ਸਿਰਜਾ ਧਰਨਿ ਅਕਾਸ਼ ॥ ਚੰਦ ਸੂਰਜ ਦੁਇ
 ਦੀਵੜੈ ਕੀਨੇ ਬਿਬਿਧਿ ਪ੍ਰਕਾਸ਼ ॥੪੨॥
 ਬ੍ਰਹਮਾ ਬਿਸਨੁ ਉਪਾਇ ਕੈ ਕੀਨੀ ਸਕਤਿ
 ਪਸਾਰ ॥ ਕੋਟਿ ਤੇਤੀਸਾ ਸੁਰ ਭਏ ਨਾਲੇ
 ਇੰਦ੍ਰ ਭੂਆਰ ॥੪੩॥ ਸੁਰ ਨਰ ਮੁਨਿ
 ਗੰਧੂਬ ਰਚੇ ਜਖ ਕਿੰਨਰ ਗਨ ਪ੍ਰੇਤ ॥

ਅਸੁਰ ਪ੍ਰਬਲ ਦਾਨੋ ਬਿਕਟ ਰਾਹੁ ਨਿਛਤ੍ਰੁ
ਗ੍ਰਿਹੇਤ ॥੪੪॥ ਛਪਯ ਛੰਦ ॥ ਸਪਤ
ਸਿੰਧੁ ਸਤ ਦੀਪ ਖੰਡ ਨਵ ਖੰਡ ਬਨਾਯੋ ॥
ਜਲ ਬਲ ਪਰਬਤ ਕਨਕ ਮੇਰੁ ਹਿਮ ਭੂਮਿ
ਰਚਾਯੋ ॥ ਪਸੁ ਪੰਛੀ ਜਲ ਜੀਵ ਅਨਲ
ਗਗਨੰਤਰਿ ਕੀਨਾ ॥ ਅੰਡਜ ਜੇਰਜ ਸੇਤਜ
ਉਤਭੁਜ ਪ੍ਰਗਟ ਸੁ ਕੀਨਾ ॥ ਨਰਕ ਸੁਰਗ
ਚਹੁ ਜੁਗ ਬਨੇ ਰਾਤ੍ਰਿ ਦਿਨਸੁ ਪਲ ਮਾਸ॥
ਪਵਨ ਪਾਨੀ ਬੈਸੰਤਰੇ ਠਾਕੁਰ ਚੇਰੇ ਦਾਸ
॥੪੫॥ ਦੋਹਰਾ ॥ ਦੁਖ ਸੁਖ ਦੁਇ ਕਪਰੇ
ਬਨੇ ਮਾਨੁਖ ਕਾ ਬਿਵਹਾਰ ॥ ਧਰਮ ਪਾਪ
ਸਾਖੀ ਦੋਊ ਬਿਧਨਾ ਠਟਯੋ ਅਪਾਰ ॥੪੬॥
ਕਨਕ ਦੋਹਰਾ ॥ ਜਾਤ ਜਾਤ ਰਚਨਾ ਭਈ
ਸਭ ਮਹਿ ਆਪ ਖਿਲੰਤ ॥ ਨੀਚ ਉਚ
ਮਹਿ ਆਪ ਹਰਿ ਬਿਰਲਾ ਕੋਇ ਬੁਝੰਤ

॥੪੭॥ ਰਾਵ ਰੰਕ ਪ੍ਰਜਾ ਭਈ ਗ੍ਰਾਮ
 ਨਗਰ ਸਭ ਦੇਸ ॥ ਭੂਪ ਛਤ੍ਰਪਤਿ ਤੇਜ ਬਰ
 ਸੂਰੇ ਜੋਧ ਨਰੇਸ ॥੪੮॥ ਖੜੀ ਬ੍ਰਹਮਨ
 ਸੂਦ ਵੈਸ ਚਾਰ ਵਰਨ ਕੀ ਖਾਨ ॥ ਮਾਯਾ
 ਸੁਪਨ ਸੁਖੋਪਤੀ ਪੁਨਯ ਦਾਨ ਇਸਨਾਨ
 ॥੪੯॥ ਬਲੀ ਤਪੀ ਜੋਗੀ ਕਿਯੇ ਜਟਾਜੂਟ
 ਨਖਧਾਰ ॥ ਗ੍ਰਹੀ ਜਤੀ ਜਾਪੀ ਹੁਏ ਨਾਨਾ
 ਬਿਧਿ ਬੈਧਾਰ ॥੫੦॥ ਸੁਰ ਨਰ ਮੁਨਿ ਦੇਵੀ
 ਬਨੇ ਆਪ ਬਨੇ ਅਵਤਾਰ ॥ ਰਤਨ ਲਾਲ ਹੀਰਾ
 ਮੁਕਤ ਕੰਚਨ ਰੂਪ ਸੁਧਾਰ ॥੫੧॥ ਸਭ ਮਹਿ
 ਤੁਹੀਂ ਨਿਰੰਜਨਾ ਊਨੀ ਠਉਰ ਨ ਕੋਇ ॥ ਘਟਿ
 ਘਟਿ ਮਹਿ ਬਿਚਰੇ ਪ੍ਰਭੂ ਨ ਕੋਇ ਹੁਆ ਨ
 ਹੋਇ ॥੫੧॥ ਰਹਾਉ ॥ ਚਾਰ ਬੇਦ ਖਟ
 ਅਸਟਦਸ ਬਿਧਨਾ ਰਚਿ ਬਿਸਥਾਰ ॥ ਤੀਨ
 ਲੋਕ ਰਚਨਾ ਭਈ ਕਰਤਾ ਸਿਰਜਨਹਾਰ

॥੫੨॥ ਤੁਮ ਬਿਨ ਸਰੇ ਨ ਏਕ ਛਿਨ ਤੁਮ
 ਸਭ ਜੀਅਨ ਪ੍ਰਾਨ ॥ ਤੁਮ ਕਰਤਾ ਸਭਿ
 ਜਗਤ ਕੀ ਤੁਮ ਹੀ. ਤੇ ਸਭਿ ਮਾਨ ॥੧
 ॥ਰਹਾਉ॥ ਕਰਮ ਧਰਮ ਸੁਚਿ ਨੇਮ ਜਪ
 ਖਟ ਕਰਮਨ ਕੀ ਰੀਤਿ ॥ ਸੰਨਯਾਸੀ ਪੁਨਿ
 ਸੂਤਿ ਧੁਨਿ ਨਟ ਨਾਟਕ ਸੰਗੀਤ ॥੫੩॥
 ਜੰਤ੍ਰ ਮੰਤ੍ਰ ਤੰਤ੍ਰਨ ਭਈ ਬਿਤਿ ਵਾਰੁ ਰੁਤਿ ਮਾਸ
 ॥ ਰਸ ਕਸ ਭੋਜਨ ਬਿੰਜਨਾ ਦੁਗਧ ਖੀਰ
 ਜਗਰਾਸ ॥੫੪॥ ਨੇਕਿ ਬਦਿ ਖੁਸ਼ੀਆ ਘਨੀ
 ਜੋਗ ਭੋਗ ਕੀ ਖਾਨ ॥ ਰਿਧਿ ਸਿਧਿ ਚਿੰਤਾ
 ਸਕਲ ਜੀਅ ਜੰਤ ਪ੍ਰਮਾਨ ॥੫੫॥ ਬਿਪਤਿ
 ਸਪਤਿ ਅਪਦਾ ਰਚੀ ਰਚਨਾ ਅਨਿਕ ਪ੍ਰਕਾਰ
 ॥ ਬਨ ਤ੍ਰਿਨ ਪਰਬਤ ਭੂਮਿਧਰ ਉਡਗ
 ਨਛਤ੍ਰ ਗਨਾਰ ॥੫੬॥ ਸਭ ਮਹਿ ਏਕ
 ਨਾਰਾਇਣ ਮਾਯਾ ਕੇ ਬਪ ਧਾਰ ॥

ਪ੍ਰਤਿਪਾਲੇ ਬਹੁ ਜੀਅ ਜੰਤੁ ਸਭ ਕੇ ਦੇਤ ਅਹਾਰ
 ॥੫੭॥ ਮਾਧੋ ਦੋਹਰਾ ॥ ਫੂਲ ਫਲ ਬਿਰਖਾ
 ਤੁਹੀਂ ਤੁਹੀਂ ਸਭਨ ਕੀ ਸਾਰ ॥ ਤੁਮ ਸਭ ਕੇ
 ਪੈਦਾ ਕਰੋ ਤੁਮ ਹੀ ਕਰਹੁ ਸੰਘਾਰ ॥੫੮॥
 ਪੰਚਾਲ ਦੋਹਰਾ ॥ ਜਬਿ ਮਾਯਾ ਹਰਿ ਬਪੁ
 ਧਰਜੇ ਤਬਿ ਸਭ ਹੀ ਬਿਵਹਾਰ ॥ ਗੁਪਤਿ
 ਪ੍ਰਗਟਿ ਸਭ ਘਟਿ ਬਿਖੈ ਵਰਤੇ ਰੂਪ ਅਪਾਰ
 ॥੫੯॥ ਜੁਗਿ ਜੁਗਾਂਤਿ ਸੁੰਨ ਧੁੰਧ ਤੇ ਏਕ
 ਅਲਖ ਕਰਤਾਰ ॥ ਗੁਪਤਿ ਪ੍ਰਗਟਿ ਸਭ ਘਟਿ
 ਬਿਖੈ ਵਰਤੈ ਰੂਪ ਅਪਾਰ ॥੬੦॥ ਅਨੰਦ
 ਦੋਹਰਾ ॥ ਸਰਬਲੋਹ ਰਛਯਾ ਕਰਨ ਸੰਨਤ ਕੇ
 ਸੁਖ ਧਾਮ ॥ ਸ੍ਰੀ ਮਾਯਾ ਜਗ ਬੰਦਨੀ ਲਛਮੀ
 ਜਾ ਕੇ ਨਾਮ ॥੬੧॥ ਮੰਗਲ ਦੋਹਰਾ ॥
 ਕਰੁਨਾਕਰ ਸੁ ਕ੍ਰਿਪਾ ਕਰਹੁ ਹੈਂ ਮਤਿ ਮੰਦ
 ਅਭਾਗ ॥ ਦੁ ਕਰ ਜੋਰ ਬਿਨਤੀ ਕਰਤਿ ਰਤੀ

ਭਾਗ ਮੋਹਿ ਜਾਗ ॥੬੨॥ ਕਰਮ ਰੇਖ ਮਾਯਾ
 ਤੁਹੀਂ ਤੁਹੀਂ ਸਭਨ ਕੀ ਸਾਰ ॥ ਜਬਿ ਤੁਮਰੀ
 ਕ੍ਰਿਪਾ ਭਈ ਜਾਗਤਿ ਭਾਗ ਲਿਲਾਰ ॥੬੩॥
 ਅਨੰਦ ਦੋਹਰਾ ॥ ਅਨੰਦ ਰੂਪ ਅਨਹ ਸਦਾ
 ਅਨੁਦਿਨ ਅਨਦ ਅਨੰਦ ॥ ਅਨਦ ਬਿਨੋਦ
 ਅਨੰਤ ਹਰਿ ਅਨਹਦ ਅਨਦ ਗੁਬਿੰਦ
 ॥੬੪॥ ਜਯ ਦੋਹਰਾ ॥ ਜਯਸ ਜਯਤੁ
 ਜਯਕਰ ਜਯੀ ਜੈ ਜੈ ਜੈ ਜਗਦੀਸ ॥ ਜਵਤ
 ਜਮੁਨ ਜਤ ਬ੍ਰਤ ਜਗਤ ਜਗਮਗ ਜਗ
 ਜਹਿਈਸ ॥੬੫॥ ਪਵਿਤ੍ਰ ਦੋਹਰਾ ॥
 ਪਰਮ ਪਵਿਤ੍ਰ ਪੁਨੀਤਿ ਪਤਿ ਪੀਤੰਬਰ
 ਪ੍ਰਤਿਨਾਮ ॥ ਪਾਪ ਪਰਨ ਪੂਰਨ ਪਿਤ੍ਰ ਪੀਰ
 ਪਰਾ ਪਰਧਾਮ ॥੬੬॥ ਧਰਮ ਸੋਰਠਾ ॥
 ਧਰਮ ਧਾਰ ਧਨ ਧਾਨਜ ਧਨਜ ਧਨਜ
 ਧਰਨੀਧਰਾ ॥ ਧੀਰਜ ਧਰਮ ਸੁਧਜਾਨ ਧੁੰਧ

ਧੂਰਿ ਧੀਰਕ ਧਰਾ ॥੬੭॥ ਮੋਹਨ ਸੋਰਠਾ ॥
 ਮਨ ਮੋਹਨ ਮਿਹਰਵਾਨ ਮੰਗਲ ਮਗਨ ਮਹਾਨ
 ਮਤਿ ॥ ਮਾਧੋ ਮਦਨ ਮੁਰਾਰਿ ਮਧੁਸੂਦਨ ਮੋਹਕ
 ਮਹਤਿ ॥੬੮॥ ਚਿਤਾਨੰਦ ਸੋਰਠਾ ॥
 ਚਿੰਤਾਮਨਿ ਚਿਰਕਾਲ ਚਿੱਤ ਚੀਰ ਚੈਤੰਨ ਚਿਤ
 ॥ ਚੰਚਲ ਚਪਲ ਅਚਾਲ ਦ੍ਰਿਗ ਚਕੋਰ ਪੰਕਜ
 ਅਚੁਤ ॥੬੯॥ ਛਤ੍ਰੀ ਸੋਰਠਾ ॥ ਛਤ੍ਰੀ ਛਿੱਤਿ
 ਛਿਤਾਰਿ ਛੀਰ ਛਮੋਹ ਛੇਤ੍ਰ ਛਕਤਿ ॥ ਛਿਪ੍ਰ
 ਛੇਮ ਛੈ ਛਾਰਿ ਛਾਰ ਕਰਨ ਛੁਦ੍ਰਨ ਬਿਪਤਿ
 ॥੭੦॥ ਭਾਵੀਉਦੋਤ ਸੋਰਠਾ ॥ ਭਾਵੀ
 ਭੁਗਤ ਭੰਡਾਰ ਭੀਰ ਭੀਮ ਭੈਰਵ ਹਰਨ ॥
 ਭਵਹਾ ਭੂਤ ਭਵਾਨ ਭਗਤਿ ਭਾਵ ਭਵਜਲ
 ਤਰਨ ॥੭੧॥ ਪਾਰਸ ਸੋਰਠਾ ॥ ਪਾਰਸਿ
 ਪਿਤਾ ਪੁਰਾਨ ਪਰਮਾਨੰਦ ਪ੍ਰੀਤਮ ਪ੍ਰਭੂ ॥
 ਪੂਰਨ ਪੁਰਖੁ ਪੁਰਾਨ ਪਾਪ ਪੁੰਜ ਗਾਰਤ ਸਭੂ

॥੭੨॥ ਨਾਰਾਇਣ ਸੋਰਠਾ ॥ ਨਾਰਾਇਣ
 ਨਿਰੰਕਾਰ ਨਾਰਸਿੰਘ ਨਰਹਰਿ ਨਵਲ ॥
 ਨਿਰਬਿਕਾਰ ਨਿਰਹਾਰ ਨੰਦਨੰਦਨ ਨੇਤ੍ਰਕਵਲ
 ॥੭੩॥ ਗਿਰਧਾਰ ਦੋਹਰਾ ॥ ਗਿਰਧਾਰੀ
 ਗੋਬਿੰਦ ਗੁਰੂ ਗੋਵਰਧਨ ਗੋਪਾਲ ॥ ਗੋਸਾਈਂ
 ਗੋਪੀ ਬਲਭ ਗੋਪਨਾਥ ਗੋਆਲ ॥੭੪॥
 ਕਵਲ ਸੋਰਠਾ ॥ ਕਾਰਨ ਕਰਨ ਕਰੀਮ ਕੇਸਵ
 ਕਿਰਤਾਰਥਿ ਕਰਨ ॥ ਕੋਮਲ ਕਮਲ ਨਵੀਨ
 ਕੋਟ ਲੰਛ ਕੰਟਕ ਹਰਨ ॥੭੫॥ ਖਾਲਕ
 ਸੋਰਠਾ ॥ ਖਾਲਕ ਖਲਕ ਖੁਦਾਇ ਖੈਰ ਖੂਭ
 ਖੁਸ਼ਹਾਲ ਖੁਸ਼ ॥ ਖਾਲਸ ਖਸਮ ਅਤਾਇ
 ਖਾਮੇਖੂਨ ਖਤਾ ਬਖਸ਼ ॥੭੬॥ ਘਨਿਸਜਾਮ
 ਦੋਹਰਾ ॥ ਘਟਿ ਘਟਿ ਮੈ ਘਨਿ ਸਜਾਮ ਜੁ
 ਘਹਰਤ ਘਨ ਘਨਘੋਰ ॥ ਜੀਅ ਜੰਤੁ ਚਾਤ੍ਰਕ
 ਮਯੂਰ ਚਿਤਵਤ ਕੋਕਲ ਮੋਰ ॥੭੭॥ ਦਯਾ

ਦੋਹਰਾ ॥ ਦੀਨ ਦਯਾਲੁ ਦਾਤਾ ਦਯਾ ਦੁਖ
 ਦਲਿਦੁ ਦਲ ਦੁੰਦ ॥ ਦ੍ਰਿਗ ਬਿਸਾਲ ਦੁਤਿ
 ਅਦ੍ਰਿਯ ਦਿਨਕਰ ਸਮਰ ਮੁਕੰਦ ॥੨੮॥ ਓਅੰ
 ਦੋਹਰਾ ॥ ਓਅੰ ਵਾਸਦੇਵ ਵੇਦਨ ਵਿਦਤ
 ਵਾਰ ਵਾਰ ਲੱਖ ਵਾਰ ॥ ਓਰ ਨਿਬਾਹ
 ਵੈਰੀ ਨਹੀਂ ਵੈਰ ਹਰਨ ਕਰਤਾਰ ॥੨੯॥
 ਸਹੰਸਮੁਖੀ ਦੋਹਰਾ ॥ ਸ਼ਹਨਸ਼ਾਹ ਸ਼ਹਪਤਿ
 ਸਗਲ ਸੰਸਯ ਸਿਹਰ ਸਿਰਾਇ ॥ ਸਜਨ
 ਸਾਧੁ ਸੰਸਾ ਨਹੀਂ ਸੀਤਲ ਸਤ ਸੁਖਦਾਇ
 ॥੩੦॥ ਇੰਦ੍ਰਗ ਦੋਹਰਾ ॥ ਈਸਰ ਈਸ
 ਇਮਾਨ ਇਕ ਇਮਨਾਇਕ ਇਮਨਾਇ ॥
 ਇਕ ਇਕ ਈਕਾਨ ਇਸ ਇੰਦ੍ਰ ਲਾਇੰਤਹਾਇ
 ॥੩੧॥ ਝਰਨ ਦੋਹਰਾ ॥ ਝਰਨ ਝੋਰ ਝੰਕਤ
 ਝਪਟ ਝਿਮ ਝਿਮ ਝੁਨਕਾਰ ॥ ਝੀਨ ਸ਼ਬਦ
 ਝਾਂਜਨ ਝਰਨ ਝਗਰਾ ਝੂਠ ਝਿੰਕਾਰ ॥੩੨॥

ਟੋਟਕ ਦੋਹਰਾ ॥ ਟੋਟ ਟੂਟ ਟੰਟਾ ਚਰਨ ਟੀਕਾ
 ਸਗਲ ਸੰਸਾਰ ॥ ਟਕ ਟਕ ਟਕ ਨਿਰਖੇ
 ਤੁਮਹਿ ਏਕ ਟਿਕਨ ਕਰਤਾਰ ॥੮੩॥
 ਠੌਰ ਠੌਰ ਠਾਕੁਰ ਠਟਯੋ ਬਿਨੁ ਠਾਕੁਰ ਨਹਿ
 ਠਾਟ ॥ ਠਾਕ ਠੇਕ ਸੌ ਦੂਰ ਯਹ ਨਹਿ ਬਾਗਾ
 ਨਹਿ ਠਾਟ ॥੮੪॥ ਨਿਡਰ ਦੋਹਰਾ ॥
 ਡਾਂਗਰ ਡੀਗਰ ਹੋਂ ਅਧਿਕ ਤੁਮ ਨਿਡਰ
 ਡਰਡਾਰ ॥ ਬਾਰ ਬਾਰ ਡੰਡਉਤ ਤੁਮ ਤੁਹ
 ਜਸ ਡੰਕ ਅਪਾਰ ॥੮੫॥ ਢੀਠ ਦੋਹਰਾ
 ॥ ਢੇਰ ਢੀਮ ਢਾਢੀ ਢਿਮਕ ਹੋਂ ਤਰੁ ਢਾਕ
 ਪਲਾਸ ॥ ਢੇਰ ਢੀਠ ਢੁਲਕਤ ਢਿਰਤ ਢਹਿ
 ਢਹਿ ਪਰਨ ਉਦਾਸ ॥੮੬॥ ਛਪਯ ॥ ਤਰੁਨ
 ਤਾਪ ਤਮ ਹਰਨ ਤਾਤ ਤਯਾਗੀ ਤੀਰਥਿ ਤਤਿ
 ॥ ਤਿਮਰ ਤਪਤ ਤਿਖ ਟਰਨ ਤੋਖ ਤਪੀਅਨ
 ਅੰਤਰਗਤਿ ॥ ਜੰਤੂ ਮੰਤੂ ਮਹਿ ਆਪ ਆਪ

ਤੇਸਾ ਤਕਿਯਾ ਛਿਤਿ ॥ ਤਟ ਤੀਰਥਿ
 ਤਿਟਕਾਟ ਆਪ ਆਪੇ ਤਪਸੀ ਬ੍ਰਿਤਿ ॥
 ਤਾਪ ਨਿਵਾਰਨ ਤਮ ਹਰਨ ਅਘ ਨਾਸਨ
 ਅਮਿਤੋਜ ਗਤਿ ॥ ਤਕੀਆ ਤਾਨ ਨਿਤਾਨ
 ਮਾਨ ਦਾਇਕ ਛਤ੍ਰੀਨ ਪਤਿ ॥੮੨॥
 ਬੀਰਕਤ ਦੋਹਰਾ ॥ ਥਾਨ ਥਨੰਤਰਿ ਰਮਿ ਰਹੇ
 ਅਸ ਬਿਰ ਬੀਰ ਦਯਾਲ ॥ ਥਕਤ ਥਕਤ
 ਆਏ ਪ੍ਰਭੂ ਕਰਿ ਗਹਿ ਲੇਹੁ ਗੁਪਾਲ
 ॥੮੩॥ ਮੰਗਲ ਦੋਹਰਾ ॥ ਮੰਗਲ ਨਿਤ
 ਮੰਗਲ ਸਦਾ ਮੰਗਲ ਮੰਗਲ ਭੂਪ ॥ ਜੈ ਮੰਗਲ
 ਜੈ ਮੰਗਲਾ ਸੁਭ ਮੰਗਲ ਆਨੂਪ ॥੮੪॥
 ਫਿਰਤ ਫਿਰਤ ਬਹੁ ਬਿਧਿ ਫਿਰੇ ਫੇਰੀ
 ਚੁਕੀ ਨ ਫੇਰ ॥ ਫਾਹ ਫਾਸ ਫਾਸੀ ਕਟਕ
 ਜਿਨਹਿ ਕਹਯੋ ਇਕ ਬੇਰ ॥੮੫॥ ਬਿਸਨੁ
 ਦੋਹਰਾ ॥ ਬਿਸਨੁ ਸੁ ਬਜਾਪਿਕ ਸਰਬ ਮੈ

ਬਜਾਧਿ ਹਰਨ ਬਿਖ ਜਾਲ ॥ ਬਾਰ ਬਾਰ
 ਬੰਦਤ ਚਰਨ ਬਿਪਤਿ ਬਿਘਨ ਰਛਪਾਲ
 ॥੯੧॥ ਰਾਮ ਦੋਹਰਾ ॥ ਰਾਮ ਰਮਤ ਸਭ
 ਘਟ ਬਿਖੈ ਸਭ ਮਹਿ ਰਾਮ ਰਹੀਮ ॥ ਰਾਵ
 ਰੰਕ ਰਯੰਤ ਤੁਹੀ ਰਾਵਤ ਰਾਜ ਕਰੀਮ
 ॥੯੨॥ ਲਲਿਤ ਦੋਹਰਾ ॥ ਲਾਲ ਗੁਪਾਲ
 ਦਯਾਲ ਲਾਲਿ ਲਲਿਤ ਬਚਨ ਲਖ ਰੂਪ ॥
 ਲਲਿਤ ਰੰਗ ਲਲਿਤਾ ਲਲਾ ਲਾਲ ਖਿਆਲ
 ਅਨੂਪ ॥੯੩॥ ਹਰਿਆਵਲ ਦੋਹਰਾ ॥ ਹਰਿ
 ਹੀਰਾ ਹਰਿਆਵਲਾ ਹਰਿ ਹਰਿ ਕੀਨੋ ਜੰਗ ॥
 ਹਰਨ ਭਰਨ ਹਰਿ ਹਰਿ ਹਰੀ ਹੇਮੰਚਲ ਹਰਿ
 ਮੰਗ ॥੯੪॥ ਛਿਆਨੀ ਵਤਨ ਬਿਹੀਨ
 ਛਿਆਤ ਰੂਪ ਅਨੁਭਉ ਸਦਾ ॥ ਰਾਣਾ ਰਾਉ
 ਪ੍ਰਬੀਨ ਅਚਲ ਅਬਾਹ ਸਦ ਸਰਬਦਾ
 ॥੯੫॥ ਆਦਿ ਅੰਤੁ ਜੁਗ ਜੁਗ ਅਟਲ ਸਰਬ

ਸੁ ਬਜਾਪੀ ਦੇਵ ॥ ਉਤਪਤਿ ਪਰਲਯ
 ਕਰਨਹਾਰ ਮਾਯਾ ਅਲਖ ਅਭੇਵ ॥੯੬॥
 ਜਲਿ ਬਲਿ ਮਹੀਅਲਿ ਜੀਅ ਜੰਤੁ ਨਭ ਮੰਡਲ
 ਪਾਤਾਲ ॥ ਸੂਰਗ ਮ੍ਰਿਤੁ ਚਉਦਹ ਭਵਨ
 ਬਿਧਨਾ ਸ੍ਵਾਮਿ ਗੁਪਾਲ ॥੯੭॥ ਨਾਮ ਠਾਮ
 ਘਟਿ ਘਟਿ ਬਿਖੈ ਸਭ ਮਹਿ ਰਮਤ ਪ੍ਰਕਾਸ਼
 ॥ ਅੱਖਰ ਬਾਨੀ ਸਭ ਤੁਹੀਂ ਸਭ ਮੁਖਿ ਦੇਤਿ
 ਗਿਰਾਸ ॥੯੮॥ ਦੋਹਰਾ ॥ ਲਛਮੀ ਕੋ ਬਪੁ
 ਧਾਰ ਹਰਿ ਮਾਯਾ ਕਰਿ ਪ੍ਰਕਾਸਿ ॥ ਹਰਨ
 ਭਰਨ ਸਭ ਜਗਤ ਕੀ ਸੰਤਨ ਕੀ ਸੁਖ ਰਾਸਿ
 ॥੯੯॥

ਨਰਾਜ ਛੰਦ ॥

ਅਚੱਲ ਬਾਹ ਗਮਜ ਕਾ ਬਿਅੰਤ ਧਜਾਨ
 ਧਾਰਿਯੈ ॥ ਜਗਤਮਾਤ ਅੰਬਿਕਾ ਸੁ ਨਿਤਯ

ਨੇਮੁਚਾਰਿਯੈ ॥ ਅਖੰਡ ਖਜਾਲ ਖੰਡ ਕਾ
 ਪ੍ਰਚੰਡ ਜਾਪ ਜਾਪਿਯੈ ॥ ਅਕਾਲ ਕਾਲ
 ਕਾਲਕਾ ਬਿਅੰਤ ਬਾਪਿ ਬਾਪਿਯੈ ॥੧੦੦॥
 ਜਗਤ੍ਰ ਮਾਤ ਜਾਲਪਾ ਸੁ ਨਿਤਜ ਪ੍ਰਤਿ ਗਾਇਯੈ
 ॥ ਅਖੰਡ ਚੰਡ ਚੰਡਿਕਾ ਪ੍ਰਭਾਤਿ ਉਠ
 ਧਜਾਇਯੈ ॥ ਸੁ ਅਸ੍ਰਬਾਹੁ ਈਸੁਰੀ ਕਲਜਾਨ
 ਰੂਪ ਪੇਖਿਯੈ ॥ ਚਤੁਰਭੁਜਾ ਸਿੰਘਾਸਨੀ
 ਅਨੰਤ ਕੈ ਬਿਸੇਖਿਯੈ ॥ ੧੦੧ ॥
 ਜਗੱਤਮਾਤ ਲੱਛਮੀ ਚਰੰਨ ਚਿੰਤ ਲਾਇਯੈ ॥
 ਅਨੰਤੁ ਰੂਪ ਮੰਗਲਾ ਬਿਸੇਖ ਕੈ ਮਨਾਇਯੈ ॥
 ਜਯੰਤ ਜੈਤੁ ਜੈਕਰੀ ਸੁਧਾਗਤੀ ਬਖਾਨਿਯੈ ॥
 ਕਵੱਲ ਨੈਨਿ ਕੇਸਰੀ ਸੁ ਜਾਪ ਮੰਤ੍ਰ ਠਾਨਿਯੈ
 ॥੧੦੨॥ ਅਮਰ ਅਟਲ ਅਗਾਧ ਬੋਧ
 ਦਯਾਲ ਲਾਲ ਜਾਪਿਯੈ ॥ ਸੁਸ਼ੀਲ ਸਤਜ ਧਰਮ

ਬ੍ਰਿਤ ਪੇਖ ਪੇਖ ਪ੍ਰਾਪਿਯੈ ॥ ਅਨਾਸ ਕਾਸ ਬ੍ਰਹਮ
 ਕੋ ਨਮਸਕਾਰ ਨਿਤਿਯੰ ॥ ਅਦਾਗ ਅਦ੍ਵਯਾਤਮਾ
 ਸਦੀਵ ਸਤ੍ਯ ਚਿਤਿਯੰ ॥੧੦੩॥ ਮੁਰਾਰਿ
 ਮੰਗਲਾ ਹਰੀ ਬਕਤ੍ਰ ਤੇ ਉਚਾਰਿਯੈ ॥
 ਸੁਬਾਸੁਰੀ ਬਿੰਦੇਸੁਰੀ ਸੁ ਧ੍ਯਾਇ ਪਾਪ ਟਾਰਿਯੈ
 ॥ ਜਯੰਤਿ ਜੂਲ ਜਾਲਪਾ ਰਿਦੈ ਮਝਾਰ ਧਾਰਿਯੈ
 ॥ ਬਪੁੰਜ ਪਾਪ ਕੋਟ ਕੋਟ ਧ੍ਯਾਇ ਗਾਇ
 ਜਾਰਿਯੈ ॥੧੦੪॥ ਮੱਛ ਕੱਛ ਨਾਰਸਿੰਘ ਬ੍ਰਾਹ
 ਰੂਪ ਗਾਇਯੈ ॥ ਪਰਸੁਰਾਮ ਰਾਮ ਕ੍ਰਿਸ਼ਨ
 ਬਾਵਨਾ ਧ੍ਯਾਇਯੈ ॥ ਜਗੰਨਾਥ ਨਿਹਕਲੰਕ
 ਦੈਵ ਸੰਤ ਨਾਇਯੈ ॥ ਅਕਾਲ ਮੂਰਤਿ
 ਸਤਿਨਾਮੁ ਨਾਮਿ ਕੋ ਰਿਝਾਇਯੈ ॥੧੦੫॥
 ਜਲੰ ਥਲੰ ਗਿਰੰ ਨਭੰ ਸਮਸਤ ਰੂਪ ਜਾਨਿਯੈ ॥
 ਸੁਕੀਟ ਹਸਤਿ ਤ੍ਰਿਨੰ ਮੇਰੁ ਬ੍ਰਹਮ ਹੀ ਬਖਾਨਿਯੈ

॥ ਅਨੰਤ ਨਾਮ ਬਜੰਤ ਕੇ ਬੈਰਾਟ ਕੇ
ਪਛਾਨਿਯੈ ॥ ਜਯੰ ਸਦੈਵ ਕਾਲ ਕਾ ਸੁਮੰਤ੍ਰ
ਜਾਪ ਠਾਨਿਯੈ ॥੧੦੬॥ ਦੋਹਰਾ ॥ ਸਤਿ
ਸਤਿ ਅਨੁਭਉ ਸਦਾ ਕਹ ਲਗ ਕਰੋ ਬਖਾਨ
॥ ਸ੍ਰੀ ਮਾਯਾ ਜਗਤਾਰਨੀ ਰਾਖਹੁ ਲਾਜ
ਨਿਦਾਨ ॥੧੦੭॥



ਪ੍ਰਕਾਸ਼ਕ :-

**ਜੱਬੇਦਾਰ ਬਾਬਾ ਪ੍ਰੇਮ ਸਿੰਘ ਜੀ ਨਿਹੰਗ ਸਿੰਘ (ਹਜ਼ੂਰ ਸਾਹਿਬ ਵਾਲੇ)
ਗੁਰਦੁਆਰਾ ਮਾਤਾ ਸਾਹਿਬ ਦੇਵਾਂ ਜੀ ਪਿੰਡ ਤੇ ਡਾਕਖਾਨਾ ਮੁਗਟ
ਜ਼ਿਲ੍ਹਾ ਨਾਂਦੇੜ (ਮਹਾਂਰਾਸ਼ਟਰ)**

ਛਾਪਕ:- ਬੰਦੀ ਫੋੜ ਕਲਗੀਧਰ ਪ੍ਰਿੰਟਿੰਗ ਪ੍ਰੈਸ ਮਹਿਰੌਂ, ਮੋਗਾ (ਪੰਜਾਬ)

ਸਰਪ੍ਰਸਤ :- ਬਾਬਾ ਤੇਜਾ ਸਿੰਘ ਜੀ ਨਿਹੰਗ ਸਿੰਘ (ਮਹਿਰੌਂ ਵਾਲੇ)